

Fu posto, per li Savii dil Consejo e Terra ferma, concieder a li diti benemeriti quanto dimandano, *ut in parte*, et fu presa: 2 non sinceri, 11 di no, 120 di si.

Fu invidati li deputati a compagnar la Signoria per il di de Pasqua in chiesa a la messa, justa il solito.

Fu publicati 25 electi per Colegio di Pregadi et Zonta, in execution di la parte presa sora l'estimo di Trevixo; e chiamati a la Signoria, tra i qual lo fui uno de quelli; et ordinato il redurse da poi ste feste, et sono questi notadi qui avanti, zoè qui solo:

Sier Marco Contarini qu. sier Piero.
 Sier Moisè Venier.
 Sier Lorenzo Capello qu. sier Michiel.
 Sier Piero Sagredo.
 Sier Hironimo Barbarigo qu. sier Beneto.
 Sier Polo Nani qu. sier Jacomo.
 Sier Piero Griti.
 Sier Nicolò Michiel el dottor.
 Sier Zuan Antonio Dandolo.
 Sier Marco Zantani.
 Sier Matio Barbaro.
 Sier Nicolò Lippomano.
 Sier Hironimo Querini qu. sier Andrea.
 Sier Fantin Valaresso.
 Sier Hironimo Malipiero qu. sier Francesco.
 Sier Marin Morexini qu. sier Piero.
 Sier Piero Querini.
 Sier Sebastian Foscarini el dottor.
 Sier Nicolò Trivixan qu. sier Gabriel.
 Sier Marin Sanudo qu. sier Leonardo.
 Sier Lorenzo Corer qu. sier Lorenzo.
 Sier Zacaria di Prioli qu. sier Marco.
 Sier Marco Malipiero qu. sier Marin.
 Sier Alvise Pasqualigo.
 Sier Alvise Bon qu. sier Otavian.

148* In questa matina, in Quarantia civil vechia, fo expedito la cosa rimessa per li Avogadori, *utrum* sier Marco Antonio Barbo sii compreso in la parte di le contumatie overo non; et che sier Zuan Francesco Bragadin, che fe' la dia intrar overo non justa la parte; il qual sier Marco Antonio Barbo con effecto è in contumatia di la podestaria di Muia. Eri parlò, per il Barbo, sier Carlo Contarini avvocato; per il Bragadin sier Alvise Badoer. Andò do parte *per viam declarationis* poste per il Pexaro e Salamon avogadori: fo prima 9 per il Barbo, et per il 8, non sinceri 21. Poi 11 fo per il Bragadin, 15 per il Barbo, 19 non sinceri.

Et ozi parloe domino Piero de Oxonicha dottor, avvocato per il Bragadin; li rispose dilo sier Carlo Contarini per il Barbo. Poi sier Alvise Badoer per il Bragadin; li rispose domino. . . . Fileti fiol dil Canzelier grandò di Candia, qual parloe ben. Andò le parte: 13 dil Bragadin, 25 dil Barbo, et fu preso in favor dil Barbo; sichè la Quarantia fa l'oficio dia far il Gran Consejo.

*Copia di uno capitolo de 10 April 1521,
 da Chalise.*

Dui giorni sono che qui arivò una nave grossa viene de l'India con ispiciarie, la quale è de la flota de l'anno passato, ma si partì un poco più tardi de le altre e perse la però à penato fino a hora a hora. Li è morto li tre quarti de le gente per camino, che pochi homeni l'anno condotta. La portata sua sono, prima:

Pepe	cantera	6000
Zenzeri, beledi	»	1500
Canelle	»	600
Garofoli	»	200
E gettò più di bale 100 e altre drogare	»	100

Pocha cosa di nose e mazis.

Exemplum.

149

Nobile caro et fidel nostro.

Nui te facemo intender, secondo che tu sai, in li 5 anni de le tregue fate fra la bona memoria del Serenissimo Imperador nostro avo et la Signoria de Venecia molte difficultà sono state al presente, et nui, devendo la dita tregua per il ditto tempo senza alcun impedimento et fidelmente observar, cussi le ditte difficultà per il mezo de l'ambasador de la Signoria sono stà fidelmente dechiarite et composte, et questa composition et capitoli ti mandamo qui inclusi come tu intenderai, et cussi ti comandamo et volemo ad ogni modo che tu exequischi sotto la pena contenuta in ditti capitoli et declaration che tu debbi observar; et se tu non farai, tu sarai in nostra gran desgratia et sarai castigato, che tu debi ad exequir li ditti capitoli et declaration precise come le sono, et mantenerli fidelmente come sono annotade; et cussi anche a tutti li nostri subditi, capetanii etc. comandemo debano observar et far observar *inviolabiliter* et fidelmente mantener sotto le soprascripte pene. Et questa declaration et capitoli, aziò in